

春

秋

直

解

春秋直解卷十一

郝敬習

昭公名稠襄公子在位三十二年

元年○春王正月公即位

叔孫豹會晉趙武楚公子圍齊國弱公作宋向戌衛齊

公作惡陳公子招蔡公孫歸生鄭罕公作虎許人曹人

于虢公作郭公作郭

尋宋之盟也宋虢之盟楚皆先歆禮不以新聞舊故

書皆先晉

三月取鄆

號之會以弭兵也。豹會而季孫取鄆。楚人遂執豹。趙武為請而釋之。不書諱也。

夏秦伯之弟鍼釐出奔晉。

鍼秦景公母弟。國人如二君。母夫人戒之去。勿及禍。鍼遂適晉。書弟甚秦伯也。

六月丁巳。邾子華卒。

晉荀吳帥師敗狄于大鹵。晉地公穀作大原

是役也。晉以步卒薄狄于險。胡氏遂謂譏改車戰。鑿也。

秋莒去疾自齊入于莒。莒展與出奔吳。公穀無與字

初莒人弑其君立展與展與之弟去疾齊出也奔齊  
展與立而奪羣公子秩羣公子召去疾齊人納之展  
與奔吳

叔弓帥師疆鄆田

乘莒亂也

冬十有一月己酉楚子麇

羣公殺

卒

楚子有疾令尹子圍入問疾遂縊弑之以卒赴故書  
卒不正之何也子圍素行無禮衆惡皆歸宮庭事隱  
傳疑故與鄭髡頑之死皆不書弑君莒子庶其密州  
死皆不書弑父  
慎重之至也

楚公子比出奔晉

康王與子圍子比子皙棄疾五人皆共王子也子麋  
康王子麋死子圍自立是為靈王葬麋于邲甲謂之  
邲敖

二年○春晉侯使韓起來聘

韓起新為政聘魯遂適齊執政而為行人重失齊魯  
也

夏叔弓如晉

報韓起也

秋鄭殺其大夫公孫黑

鄭子皙既殺良霄，愈侈，將攻游氏，代其位。子產使吏數其罪，縊殺之。

冬，公如晉，至河，乃復季孫宿如晉。

晉平公嬖妾少姜死，魯昭公往弔，及河，晉使人辭公，季孫宿往，夫諸侯而奔諸侯妾之喪，非禮也。晉以非伉儷辭，是也。胡氏謂公不當遂，復果仲尼之意乎。仲尼謂晉不有公，有季孫云爾。

三年○春，王正月，丁未，滕子原公作卒。○夏，叔弓如滕。

○五月，葬滕成公。

魯襄公之葬，滕子來，滕葬，故魯報之。

春秋小邾子來朝○八月大雪○冬大雨雹去聲薄

北燕伯款出奔齊

燕簡公欲去諸大夫立嬖人諸大夫作亂公奔齊稱北遠也燕距中原千里而遙與山戎雜處仲尼未有以夷之世儒欲夷楚何居

四年○春王正月大雨雹公穀作雪

夏楚子蔡侯陳侯鄭伯許男徐子滕子頓子胡子沈審子小邾子宋世子佐淮夷會于申

楚圍無道其合諸侯也亦序于諸侯上執徐子伐吳討慶封滅賴皆據事實錄春秋無私如天地美惡聽

物之自肖。而何擇于晉楚。若淮夷。夷也。則夷之以後。于諸侯。春秋之義。無隱乎爾。

楚人執徐子

楚子以諸侯伐吳。徐子吳出也。疑其將貳于吳。執之。書甚楚也。

秋七月。楚子蔡侯。陳侯。許男。頓子。胡子。沈子。淮夷伐吳。執齊慶封。殺之。

初慶封奔魯。齊人讓魯。遂奔吳。居于朱方。楚子入吳。執而殺之。討賊之辭也。

遂滅賴

公穀作厲



甚楚也

九月取鄆

鄆以襄公六年併于莒至是魯人取之鄆由魯亡而魯不能復猶稱鄆以存亡也

冬十有二月乙卯叔孫豹卒

五年○春王正月舍釋中軍

襄公十一年魯作三軍三桓各取一季氏盡入之孟氏叔氏歸稍于公至是四分公室季取二孟叔各一而公家無與焉舍言釋也若曰公將中軍今釋之云爾本臣奪而曰君釋本公禘而曰中軍春秋之辭微

六婉正直游夏所以不能贊也

楚殺其大夫屈申

以其貳于吳也

公如晉

朝也

夏莒牟夷以牟婁及防茲來奔

牟夷莒大夫以其食邑牟婁及公邑防茲叛于魯魯納之季孫宿爲政也

秋七月公至自晉

莒人以魯納牟夷愬于晉晉將止公范鞅請釋之以

師討

戊辰叔弓帥師于蚡

魯地公作蚡  
澣敎作賁

泉

莒討納牟夷魯人敗之

秦伯卒

不名史闕也

冬楚子蔡侯陳侯許男頓子沈子徐人越人伐吳

吳以朱方之怨伐楚楚以諸侯之師報之無功還頓

沈徐越皆楚屬書與陳蔡齒越後禹徐後伯益皆神

明之胃鳥得而夷之世儒鑿也

六年○春王正月杞伯益姑卒○葬秦景公

夏季孫宿如晉

季孫懼晉之討納牟夷也。以賂往。晉享之。辭加邊。平公以爲知禮。重其好貨。夫納人叛。臣貪其土。蔑視其君。而側媚強大以求容。春秋所以惡于晉。與季氏也。

葬杞文公

宋華合比出奔衛

宋寺人柳有寵于平公太子佐惡之。右師華合比謀誅柳。柳譖于宋公。逐合比。寺人禍薦紳。自古然矣。

秋九月大雩

楚遠罷帥師伐吳

楚伐徐吳救之楚遂伐吳吳敗楚師于房鍾

冬叔弓如楚

弔敗也

齊侯伐北燕

納簡公也

七年○春王正月暨齊平

魯暨也先是齊慶封在吳齊景公病吳孟子所謂涕出而女也時魯昭公娶于吳又善楚故齊人求平魯暨之平左傳請燕與齊平誤也春秋外事未日不國者惟內事稱及暨及也

三月公如楚

楚子成章華之臺求諸侯落之魯昭公往季孫聞公于晉謂公之貳于楚也晉始衛公

叔孫婁

作舍如齊蒞盟

暨平也公時如楚

夏四月甲辰朔日有食之○秋八月戊辰衛侯惡卒

衛襄公卒于元立是爲靈公元母兄益繫足不良于  
行故廢

九月公至自楚

章華之遊七月而後返季氏之譖行而放逐之謀成

矣

冬十有一月癸未季孫宿卒

武子卒悼子嗣悼子卒子意如嗣是為平子

十有二月癸亥葬衛襄公

八年○春陳侯之弟招殺陳世子偃師

陳哀公元妃生世子偃師嬖妾生畱公以畱屬其弟

招與大夫過公病招殺偃師立畱

夏四月辛丑陳侯溺卒

陳招殺世子國內亂陳侯自縊死

叔弓如晉

晉平公築鹿<sup>新</sup>祁宮成諸侯皆賀

楚人執陳行人于徵師殺之

陳使于徵師以喪赴于楚且告立君楚執而殺之討其殺世子也非使者罪故書行人

陳公子畱出奔鄭

懼楚也

秋蒐于紅

革車千乘三家自閱也

陳人殺其大夫公子過

陳招歸咎子過以說于楚



大雩○冬十月壬午楚師滅陳執陳公子招放之于越

殺陳孔奐

公作

楚滅陳以爲縣使穿封戍爲陳公

葬陳哀公

哀公故嬖臣袁克葬公而殺其馬毀玉焉義也倉卒舉事魯會未可知經亦書葬不欲亡陳沒袁克之誼也春秋可以例求乎

九年○春叔弓會楚子于陳

時楚子在陳魯宋鄭衛皆使其大夫問起居是年晉與周爭閭田晉率陸渾之戎伐周不書爲天王諱也

許遷于夷

初許遷葉復自葉遷夷夷城父也楚遷之不書楚猶齊遷邢衛不書齊也春秋之義責大公

夏四月陳災

公穀作火

陳亡後六年乃復猶書陳存亡也

秋仲孫矍

如齊

復通好也

冬築郎囿

營不急也左傳于凡冬役稱時時則何書政善民安春秋不作矣

十年○春王正月○夏齊公作樂施來奔

齊子雅子尾惠族也子雅之後爲樂氏子尾之後爲

高氏樂施高彊嗜酒信內而多怨與陳鮑交惡或告

陳無宇鮑國曰樂高將攻汝陳鮑先發樂高劫公伐

之不勝奔魯陳鮑分其室陳桓子盡以所分獻于公

請老焉公與之高唐樂高去而陳益大矣

秋七月季孫意公作如叔弓仲孫貜帥師伐莒

三家同伐莒取鄭用莒人于社臧武仲聞而佻之

戊子晉侯彪卒○九月叔孫婁如晉葬晉平公

諸侯之大夫會者十三國天王之喪蔑如也

冬十有二月甲子宋公成卒

成公作成

十有一年○春王二月叔弓如宋葬宋平公

夏四月丁巳楚子虔誘蔡侯般班殺之于申

蔡般弑父篡國十有三年諸侯不討幾幸免矣楚虔

一舉身死國亡詩曰趯趯毚兔遇犬獲之叔向所謂

天之假手者與

楚公子棄疾帥師圍蔡

罪人既討而又貪其國甚楚也

五月甲申夫人歸氏薨

襄公妾昭公之母也

大蒐于比皮蒲

魯自中軍毀而公賦盡歸三家矣書大蒐傷委轡之  
不收也君母新喪而講于戎政叔向謂魯有三年之  
喪無一日之戚宜其見哂于君子矣

仲孫獲會邾子盟于祿祥公作羊

新喪而會盟非禮也

秋季孫意如會晉韓起齊國弱宋華亥衛北宮佗駘鄭

罕虎曹人犯人于厥愁銀去聲公作屈銀

謀救蔡也晉使人請于楚楚弗許蔡旦夕亡矣諸侯  
不纓冠往而使二三臣築舍道旁其何能濟天下有

道則政不在大夫。說者謂仲尼有取于厥憇之會，不然矣。

九月己亥，葬我小君齊歸。

齊諡歸姓。

冬十有一月丁酉，楚師滅蔡。執蔡世子有以歸，用之。

楚滅蔡，城不羹，以公子棄疾為蔡公。夫蔡般雖賊父之子，楚虔非討賊之君，賊討則已矣。又滅其國，取其子，用以為牲，貪如狼，毒如虺，靈所以為靈也。當是時，蔡有以彈丸土，君死國危，楚以方張全力，環而攻之者，八月流離之子，枝梧飲血，力屈就義，雖不共之恨。

未酬而枕戈之志已畢春秋所以惜之

十有二年○春齊高偃帥師納北燕伯于陽

燕簡公奔齊十年至是歸

三月壬申鄭伯嘉卒

夏宋公使華定來聘

宋元公新立也

公如晉至河乃復

朝晉也先是三家伐莒取鄭莒人愬于晉故晉辭公

公使子愁往

五月葬鄭簡公

楚殺其大夫成熊公作然  
殺作虎

楚子以讒殺之

秋七月○冬十月公子慙公殺  
作整出奔齊

南蒯為費宰季平子不加禮焉蒯與公子慙叔仲小  
謀出季氏慙從公如晉蒯以費叛于齊慙還及郊聞  
變遂奔齊

楚子伐徐

楚子使蕩侯潘子等帥師圍徐身次于乾谿以為援

晉伐鮮虞

白狄之種也晉荀吳偽為會齊師而假道遂入之





比詩云爾之教矣民胥效矣轉相屠戮烏乎宜哉  
秋公會劉子晉侯齊侯宋公衛侯鄭伯曹伯莒子邾子  
滕子薛伯杞伯小邾子于平丘

晉自魯襄公二十五年夷儀之會失諸侯十九年矣  
康靈張楚晉同寒灰熊虔死晉突發其甲車四千乘  
耀武邾南脅齊人盟聽邾莒之愬辱魯君臣于會是  
臧紇所笑齊莊之功如鼠者也世儒強春秋與之何  
與

八月甲戌同盟于平丘

會而後盟齊不服強而後可也

公不與預盟晉人執季孫意如以歸

初晉以公貳于楚銜之是會也邾莒人共愬于晉曰魯朝夕伐我晉侯遂不見公不與盟執季孫意如以歸

公至自會

蔡侯廬歸于蔡陳侯吳歸于陳

楚棄疾立是為平王使蔡世子之子廬陳世子之子吳谷遷其國書歸不與楚復也諸侯自有國非天子誰得而亡之誰得而復之

冬十月葬蔡靈公

蔡般身死國滅二年矣蔡廬復國乃葬

公如晉至河乃復

季孫意如執于晉昭公將往荀吳辭釋季孫也公往  
不利于季孫

吳滅州來

十有四年○春意如至自晉○三月曹伯滕卒○夏四  
月○秋葬曹武公○八月莒子去疾卒

冬莒殺其公子意恢奎

莒子卒大夫茲父殺公子意恢迎莒子弟庚與于齊  
立之

十有五年○春王正月吳子夷昧卒

二月癸酉有事于武宮籥入叔弓卒去籥卒事

魯有武宮自季孫行父始諸侯五廟而增脩世室非禮也祭舉樂作聞大夫喪而徹是輕祖考而重臣庶亦非禮也

夏蔡朝昭

公作

吳出奔鄭

公無出字

朝吳故蔡大夫聶子之子與觀從謀復蔡亦蔡之忠謀臣也費無極聞于蔡人使逐之平王弗察卒以無極之譖出蔡侯朱廢太子建殺連尹伍奢啓吳師入郢之禍詩云讒人罔極交亂四國可不畏哉

六月丁巳朔日有食之

秋晉荀吳帥師伐鮮虞

荀吳伐鮮虞圍鼓鼓之叛人以城降不受未幾鼓人叛遂滅之是二鼓兩吳也君子曰假仁不成詐力鮮終故經書伐鮮虞而不及鼓功說者謂書名氏爲予之謬也

冬公如晉

平丘不會兩及河見卻復往晉人遂止之

十有六年○春齊侯伐徐

齊景公及徐子郊人莒人盟于蒲隧徐子賂齊以甲

父之鼎齊主東盟而晉業衰矣

楚子誘戎蠻

公作

子殺之

書甚楚也

夏公至自晉

昭公以去年冬如晉至是始歸不書晉止諱也

秋八月己亥晉侯夷卒○九月大雩○季孫意如如晉

○冬十月葬晉昭公

十有七年○春小邾子來朝

魯既卑矣小國猶有朝者晉亦卑矣諸侯猶有往者此不畏其君而畏強臣耳以力服人諸侯不可況大

夫乎。春秋之事。聖人難言之矣。

夏六月甲戌朔日有食之。○秋郊子來朝。

八月。晉荀吳帥師滅陸渾。公作之戎。教無字。

伊雒有戎。晉人寔植之。植戎于雒。將以逼周。戎貳于

楚。遂滅戎。戎滅而晉壤界周京矣。計周通于戎與通

于晉。何異。顧周未亡。而晉先分。天道所以概夫滿者

冬有星孛。佩于大辰。

記異也。彗為孛。心星為大辰。

楚人及吳戰于長岸。楚地。

楚敗吳師。獲其王舟餘皇。



十有八年○春王三月曹伯須卒

夏五月壬午宋衛陳鄭災

四國同日火異也

六月邾子入邾舉

邾人襲邾盡俘其帑以歸

秋葬曹平公

冬許遷于白羽楚邑

初許逼于鄭而依楚遷葉魯昭公九年遷夷十五年  
反葉又遷白羽五十餘年間國四遷詩云哀我憚人  
亦可息也明王不作寡弱何以自存乎

十有九年。○春。宋公伐邾。

邾君夫人宋向戍之女。向寧爲請于宋公。伐之而盡歸其俘。

夏五月戊辰。許世子止弑其君買。

左傳。許悼公瘡。飲太子藥而卒。太子奔晉。書弑。直之也。公羊紆其說。謂止爲孝子。故公羊者。春秋之楊墨也。

巳卯地震。

秋。齊高發帥師伐莒。

莒不事齊也。

冬葬許悼公

凡葬會則書公羊以為春秋赦止穀梁以為不使止為弑父是何言與蓋求諸討賊書葬之例不合而肆為邪說也

二十年○春王正月○夏曹公孫會自鄭蒙殺作婁出奔宋

公孫會曹大夫出奔宋傳不詳其故公羊揣為子臧之後以邑叛為賢者之後諱夫子臧之節春秋不錄何為其子孫諱逆大夫多賢者後而皆諱則無一書矣春秋政在大夫出奔必書何諱之有

秋盜殺衛侯之兄縶公穀作輒

衛靈公母兄孟縶惡齊豹。豹薦宗魯爲縶驂，乘使人刺縶于車中。宗魯死之，故書盜殺。是舉也。北宮喜褚師圃惡縶公子朝，通于君母襄夫人，皆與謀。靈公避之境上，北宮喜之宰殺豹。子朝師圃奔晉，靈公與北宮喜盟而入，遂殺襄夫人，是殺其嫡母也。聖人于此不欲直之，第提其本事云爾。

冬十月，宋華亥、向寧、公作甯華定出奔陳。

宋華向二族專，元公惡之。華亥僞病，誘羣公子于家，殺之。劫公與盟質公子。司馬華費遂攻之，出奔陳。十有一月，辛卯，蔡侯廬卒。

二十有一年○春王三月葬蔡平公

夏晉侯使士鞅來聘

時叔孫婼執魯政季孫嫉之使有司殺禮以怒晉使  
魯人懼而加四牢焉為十一牢具

宋華亥向寧華定自陳入于宋南里以叛

公作

宋司馬華費遂之子驅為少司馬驅弟多僚為御士  
多僚譖其兄于公曰驅將納亡人公告費遂而逐驅  
驅與其臣張匄等劫費遂殺多僚招華亥等入南里  
以叛

秋七月壬午朔日有食之○八月己亥叔輒卒

公作  
卒

冬。蔡侯朱穀作出奔楚。

蔡侯廬卒。子朱立。蔡東國者，楚靈王所誅。蔡世子子也。費無極徵貨于東國，使蔡人立之，而逐朱。朱歸楚，自愬。平王不問也。

公如晉，至河乃復。

左傳謂晉有鮮虞之役，辭公非也。晉六卿，魯三桓之黨，昭公不見悅于魯，而欲見禮于晉乎？往故郤豈必鮮虞耳。

二十有二年。○春，齊侯伐莒。

莒人欲賂齊，莒子弗許。齊伐之，為城下之盟。莒人於

是尤其君

宋華亥向寧華定自宋南里出奔楚

初宋華向之亂也華登奔吳吳人助之齊晉曹衛助  
宋殺張匄進圍南里華登乞師于楚楚救至亥等出  
奔

大蒐于昌間

公作

昭公之季三蒐矣顧公室焉得一卒之用

夏四月乙丑天王崩

六月叔鞅如京師葬景王王室亂

景王太子壽早卒王欲立庶子朝劉執單旗不可王

崩劉單立子猛子朝因百官之喪秩者與靈景之族  
作亂書亂不專罪子朝也

劉子單子以王猛居子皇

避子朝也

秋劉子單子以王猛入于王城

初景王欲立子朝與賓起謀殺劉摯單旗未發王崩  
摯亦死旗與摯子蚩殺賓起立子猛子朝帥三邑之  
甲逐劉單戰于平時劉單殺羣王子八人納子猛于  
王城事由劉單也大臣建國本而以私怨獨行宗室  
未協諸大夫未同若之何不亂故其奉君也書以其



復王城書入臣不名而名其君示不爲君臣也晉人以師納王猛亦不書仲尼于王猛劉單意可知也

冬十月王子猛卒

書子書名書卒不葬不成其爲王也子馬立是爲敬王館于子旅氏

十有二月癸酉朔日有食之

二十有三年○春王正月叔孫婍如晉

邾人城翼道出武城武城人要之取其三大夫邾人懇于晉晉以爲討叔孫往

癸丑叔鞅卒

晉人執我行人叔孫婼

晉人執叔孫使與邾大夫坐叔孫不可責賂不可遂  
囚諸箕書甚晉也

晉人圍郊

郊周郊晉人滅戎併伊雒于周爲同室矣周有難而  
晉不急子朝在京乃圍其郊周人告間師遂大還向  
使晉人盡忠王室無懷貳圖周惟恐晉師不畱何告  
間之有告間則晉之師可知也書圍郊志不急也郊  
不繫周莫非周也王者無外所以尊之內稱不備所  
以親之

夏六月蔡侯東國卒于楚

秋七月莒子庚與來奔

庚與好劍用人試大夫烏存以國人逐之遂奔魯齊人納去疾之子立為郊公

戊辰吳敗頓胡沈蔡陳許之師于雞父穀作甫胡子髡坤

沈子逞穀作盈滅獲陳夏齧臬

吳人伐州來楚令尹子瑕帥七國之師救之卒于師

吳人乘之胡沈之君沒于陣陳大夫夏齧被獲

天王居于狄泉尹氏立王子朝昭

天王敬王丐也猛卒丐立春秋不王猛而王丐何也

猛立于單劉之手。豈自立也。猛不踰年卒。敬王立四  
十有二年。爲共主久矣。君臣之義久則定。稱天王而  
絀猛朝不二之義也。居狄泉在外也。立子朝據王城  
也。

八月乙未地震

冬公如晉。至河有疾。乃復。

公殺河下  
有公字

晉之郤公屢矣。其復不徒以疾也。臣不以爲君。故強  
鄰輕之。大國不與同盟。故賊臣侮之。而竟播遷以死。  
豈獨季氏之罪。春秋所以惡晉也。

二十有四年。○春王二月丙戌。仲孫貜卒。

媯至自晉

孫公有叔孫字

晉執魯叔孫至是釋歸嗟乎如魯事晉何以不得免其君為僕其臣為虜甚矣哉春秋所以惡晉

夏五月乙未朔日有食之○秋八月大雩○丁酉杞伯

郁

公作釐卒

冬吳滅巢

楚邑也不日不月史逸也說者謂夷狄時顧經書時

者過半矣

葬杞平公

二十有五年○春叔孫媯如宋

季平子娶于宋元公女。昭子聘宋，遂為季孫逆婦。執政為大夫，逆婦，非禮也。

夏叔詣

公穀作倪後同

會晉趙鞅，宋樂大

公作世後同

心，衛北宮喜。

鄭游吉，曹人，邾人，滕人，薛人，小邾人，于黃父。

謀周也。趙鞅令諸侯輸周粟，具戍人。明年將納王，嗟夫。天子蒙塵，強宗據京師，諸侯優游觀望，四載使其臣口舌遷延，以待來年，可謂譚笑而道之者矣。胡氏謂免于譏貶者，求一字之例而不得也。

有鵲

瞿音欲

來巢

鵲音權

鸚鵡，鳩鳩也。性不能巢。詩云：維鵲有巢，維鳩居之。曾

有鸚鵡來巢異也。君子曰：無成知始，其道或常。其臣擅君之象與。

秋七月，上辛大雩。季辛又雩。

月再雩，旱甚也。

九月，己

穀作乙

亥，公孫

遜

于齊，次于陽

揚

公作州

公忿季氏專，與季公若、公子為、子果、子賁、郈昭伯共伐季氏，入之。平子登臺請盟，請囚，請亡，公皆不許。叔孫氏之司馬馘戾曰：亡季氏，是亡叔孫也。率其徒助之，與孟孫殺郈伯，攻公。公奔齊，書孫微之也。

齊侯唁彥公于野井。

弔失國曰唁。齊魯形親之國也。自魯附晉而齊始孤。魯間于晉而齊遂盟東諸侯矣。魯亂齊之幸也。故其言甘而禮恭。書齊侯唁公。見齊詐而悲二國之失計也。苟二國親睦。豈患于晉。雖有陳恆三桓。未敢動也。冬十月戊辰。叔孫婁卒。

叔孫婁之死後矣。方昭公之謀季孫也。婁無故而如闕。其真不知邪。其知之而先去以避邪。其已授指于駸矣。而預爲備邪。不然。季孫已歸命矣。駸矣。輒敢帥其徒以伐公邪。其語于衆曰。無季氏。是無叔孫也。此非婁肝膈之要邪。國有難而執政不赴。君出而後歸。



歸無一言詰黷。吳讓季孟而從公于齊。故公徒欲殺之。而乃甘言于幄。許納公。間道脫歸。竟無所短長。以死何邪。左氏爲祈死之誕說。世儒遂以媼爲社稷臣。豈仲尼之意哉。說者曰。大夫卒。公不與小斂。不日。今公出亦日。爲之解曰。公在外。非無恩。理窮辭遁。春秋無此例也。

十有一月己亥。宋公佐卒于曲棘。

宋地

宋公之女爲季孫妻。故宋公謀納公。憂季孫也。行未踰境而卒。

十有二月。齊侯取鄆。

齊侯謀以千社居公。從者子家辭。遂取魯邑鄆以處之。

二十有六年。○春。王正月。葬宋元公。

三月。公至自齊。居于鄆。○夏。公圍成。

齊侯將親納公。季氏賂其嬖人梁丘據。阻之。遂使公子鉏帥師往。孟孫僞以成降。緩齊師設備。而後拒之。公以齊師圍成。不書齊諱也。

秋。公會齊侯。莒子。邾子。杞伯。盟于鄆。專陵  
謀魯也。

公至自會。居于鄆。

九月庚申楚子居卒

初楚平王為世子建娶秦女費無極以蠱平王自取之遂出子建于城父誣以叛殺其傅伍奢子建奔宋秦女生子壬而幼子西長而賢令尹子常欲立之子西不可遂立壬是為昭王

冬十月天王入于成周尹氏召伯毛伯以王子朝奔楚晉知躒歷趙鞅以師納敬王于成周天子而植諸陪臣之手故諱不書天下有道政不在大夫書天王入于成周憂無道也

二十有七年○春公如齊○公至自齊居于鄆

夏四月吳弑其君僚

吳光謀弑父矣光諸樊之子也壽夢愛季札不得立諸樊承父志而舍其子凡為扎耳扎不受國當歸光僚宜昧之子焉得而干之僚既干其位又無道以讐其民光日夜伺隙伍員專諸之徒從與之七年而後難作故書國非一人一日之辭也光立為闔閭

楚殺其大夫卻

殺作宛苑

費無極與鄢將師惡卻宛搆之于令尹子常曰宛欲飲子酒又謂宛曰令尹欲飲酒于子且曰令尹喜甲兵擇其好者寘諸門令尹來以酬之及告子常曰吾

幾禍子。必勿往使人視郤氏門。有甲子常遂攻郤氏。殲其族。國人詫之子常懼殺無極。與將師亦殲其族。夫無極之禍楚烈矣。殺不書當也。無極之罪非殺可償。書無極所殺者耳。

秋。晉士鞅。宋樂祁犁。衛北宮喜。曹人邾人。滕人。會于扈。謀戍周。且將納公。季孫賂晉士鞅。遂不果納。嗟乎。晉衛於魯為同姓兄弟。淹恤在外。無急難之義。而徒使其臣因亂以為利。晉之為盟主如何哉。王室有子朝之亂。遷延數載。迫于游吉諸君子之督過。而後有成。周之役。其又奚有于魯。齊。晉。衛也。魯。齊。豈割也。自魯。

附晉而齊受繫久矣。齊景公稍振魯，遂有季氏之難。當是時，公能用子家計，適晉，晉其或納之。然五如晉而晉五辭，公知季氏託于晉者厚，不往亦宜。舍晉則唯齊，齊方病魯，一旦來歸，謂天以魯與我矣。喜而遠勞之，許四千社，居之，將以魯爲禽，以公爲囚，以已爲羅。從者子家不可，而齊意遂懈。然猶以師從公，圍成，取鄆，塞前諾耳。豈真有納公之志乎？齊不納公，而恐公之從晉也。晉不禮公，而又惡公之好于齊也。遷延四載，至齊人，以宰夫飲公，以主呼公，然後乞哀于晉。晉果責魯，無一个之辱，兩棄之，而公遂無歸矣。季孫

之賂絡繹于外朋黨徧諸侯公出不復固其臣逐之亦齊晉交擠之也世道人心為鬼為蜮可勝慨哉魯弱而齊晉先亡天道所以罰不衷也讀春秋者置此不論而區區書人書名之例愈比而愈不合矣

冬十月曹伯卒

邾快來奔

傳不詳其故凡外臣來奔則書世儒強執無大夫之例迂僻不可曉

公如齊○公至自齊居于鄆

孟懿子與陽虎伐鄆敗公徒公如齊齊侯即安而使

其宰夫飲公酒。明年公遂如晉。

二十有八年。春。王三月。葬曹悼公。

公如晉。次于乾。干侯

晉地也。公使人請逆于晉。晉人辭曰。其使齊人逆君。出公于境外。乃逆。

夏四月。丙戌。鄭伯寧。公作甯卒。○六月。葬鄭定公。

是年。晉祁盈。家臣有淫亂者。盈殺之。荀躒譖盈于晉侯。遂滅祁氏之族。及其黨羊舌氏。分二氏邑為十。以封十大夫。不書。史不備也。

秋七月。癸巳。滕子寧。公作甯卒。○冬。葬滕悼公。



二十有九年○春公至自乾侯居于鄆○齊侯使高張來唁公

齊惡公如晉而喜晉之不加禮也陽使人來唁辭稱主君公遂復如乾侯

公如晉次于乾侯

意如之逐昭公狡矣始而公伐之也陽爲不敵請盟請亡以緩公而待兩家之援公旣出矣請改事君稽首叔孫僞求復公公之奔齊晉也則賂齊晉公之在外也則車馬遺于外齒及君則憂恤之言不絕于口君之左右衣履不絕于餽是以內有逐君之實而外

連強大結歡羣小昭公昏庸不斷忠言不入卒至滅  
行而不返也悲夫

夏四月庚子叔詣卒

公不與小斂亦書日例之無稽明矣

秋七月○冬十月鄆潰

內亂曰潰鄆潰公遂去如晉次于乾侯傳不詳其鄆  
人受指于季孫而倒戈于公平未可知也昭公昏庸  
不厭衆心三家勢重國人何賴孤主而開罪于權門  
當時民情變態可思也嗟乎公之出也季孫不欲其  
歸鄆人亦不欲其歸季孫不欲其歸莫也鄆人亦不欲

其歸則公失人心矣。故書曰：鄆潰。鄆潰，公安之。有干乘之國，而措躬無地。詩云：無俾城壞，無獨斯畏。昭公之謂矣。彼季孫，何足誅哉。

三十年○春王正月公在乾侯

正月必書公在何也。春首歲，君首國也。國者，君之國。君者，國之君。未有有國無君，有君無國者。君不得有國，則必知君之所在，不敢干其器也。國不得事君，則必問君之所往，不敢忘其主也。不敢干其器，義也。不敢忘其主，仁也。春秋人倫之至。若之何游夏能贊之。

夏六月庚辰晉侯去疾卒○秋八月葬晉頃公

冬十有二月吳滅徐徐子章羽公作奔楚

吳王僚之死也其子掩餘奔徐燭庸奔鍾吾闔閭討

之二子遂奔楚吳執鍾吾子滅徐徐子亦奔楚楚封

吳二子處徐子于城父

三十有一年○春王正月公在乾侯

季孫意如會晉荀躒立公作躒于適的晉地歷

晉定公新立將納公范鞅止之曰試召季孫不來則

信不臣矣使私謂季孫曰必來我受其無咎意如會

荀躒于適歷為練冠麻衣跣行伏而見晉侯曰事君

臣所不得也敢有異心晉侯信之遂不納公

夏四月丁巳薛伯穀卒

晉侯使荀躒唁公于乾侯

公次乾侯四年晉人若罔聞也定公新立使唁公勸之歸而趙鞅荀躒爲季氏中主昭公畏懦不決遂使如河之誓竟成客死之讖悲夫

秋葬薛獻公

冬黑肱弘作以濫來奔

濫邾邑近魯邾大夫黑肱以叛于魯魯納之二十七年納快今納黑肱不書邾一之爲甚云爾左傳曰邾黑肱以土地來不求名必書謂之欲蓋而章齊豹殺

衛公縶書盜謂之求名不得夫殺人非以求名也以土地叛非爲欲蓋也比類屬辭而已與公羊通濫之說壽張爲幻皆春秋之稂莠也

十有二月辛亥朔日有食之

三十有二年○春王正月公在乾侯

取闕

闕亦邾邑季氏取之既納其亡臣叛土又取其分邑故經皆不殊邾屢也以表亡厭

夏吳伐越○秋七月

冬仲孫何忌會晉韓不信齊高張宋仲幾衛世大毅作叔

申鄭國參曹人莒人薛人杞人小邾人城成周下有公莒人

妻人穀  
有邾人

敬王以子朝之黨雜處王城請晉城東郊將遷居焉  
是時公在乾侯魯無君故大夫會他國有君亦大夫  
會則同乎無君故曰天下有道政不在大夫

十有二月己未公薨于乾侯

嗟夫季孫之惡滔天矣魯人不敢問諸侯不能討春  
秋焉得不作史墨當世所謂君子也亦曰季氏出其  
君而民服世衰道微邪說橫行春秋焉得不作

春秋直解卷十一終

春秋直解卷十二

郝敬習

定公名宋襄公庶子昭公弟在位十五年

元年

凡即位必于正月。此不書正月即位者。公即位後也。凡改元必踰年。未即位而先書元年者。昭公卒于去年十二月。踰年矣。定立之年。卽定之元年也。

春王三月。晉人執宋仲幾于京師。

世儒以定元年書春王三月。爲之例曰。定無正。昭公喪未至。定公未立。魯無君。故無正。夫春秋二百四十



年間不書正書春王三月。屢矣。前此昭公十八年。二十一年。二十八年。襄四年。六年。十二年。成十一年。皆然。非獨定耳。不書正月。無事也。二月。無事。亦不書。三月。晉人執宋仲幾。書以誌晉之無玉。非爲魯無君也。城成。周王事也。魏舒以諸侯大夫。泣王事。僭也。仲幾一不受功。而遂執之。以諸侯大夫。執諸侯大夫于王所。不請王命。而遂以歸。其陵暴無禮。亦甚矣。數十年以前。天下惟知有晉君。數十年以後。天下惟知有晉臣。王綱不振。政逮大夫。說者猶曰。伯討也。夫所謂伯討者。仲尼有是名乎。文武有是舊章乎。譎張以文。

而說隨以揚功。故夫公羊者，春秋之揚墨也。

夏六月癸未，公之喪至自乾侯。○戊辰，公即位。

昭公薨于外，七月矣。意如廢昭公世子衍，及務人而立昭公弟公子宋。遲回至六月始即位，季氏之謀也。

秋七月癸巳葬我君昭公。

昭公之葬，季孫不使附于先君窆于墓道之南，及仲尼爲司寇始溝而合之。

九月大雩。

旱也。九月夏正之七月，百穀方實，若之何不雩。穀梁之說謬也。

立煬漾宮

煬公魯公伯禽子其廟已毀季氏逐昭公而禱焉昭公不復季氏以為煬靈也為之立廟嗟夫煬公豈亦淫昏之鬼與

冬十月隕九霜殺菽

十月夏正八月隕霜異也菽晚成故殺菽

二年○春王正月○夏五月壬辰雉肥門及兩觀去聲災

記曰魯庫門天子臯門也雉門天子應門也禮天子五門自外而內曰臯門曰庫門曰雉門曰應門曰路門雉門有兩觀中闕兩觀高起懸象于上以觀民故

謂之觀天子之制也。諸侯三門，無兩觀。魯制非禮。春秋不直斥，而因災表義，使議禮者考焉。所謂竊取之也。若夫褒貶命討，世儒之妄說耳。

秋楚人伐吳

吳人誘而敗之

冬十月新作雉門及兩觀

新作更新改作也

三年○春王正月公如晉。至河乃復

公立三年始朝晉。晉人卻之

二月公穀作辛卯邾子穿卒○夏四月○秋葬邾莊公

冬仲孫何忌及邾子盟于拔公作拔

平也

四年○春王二月癸巳陳侯吳卒

三月公會劉子晉侯宋公蔡侯衛侯陳子鄭伯許男曹

伯莒子邾子頓子胡子滕子薛伯杞伯小邾子齊國夏

于召陵侵楚

楚令尹子常止唐成公索肅霜之馬止蔡昭侯索佩

裘皆三年得乃遣蔡侯銜之納質于晉請伐楚諸侯

既集荀寅徵蔡貨不至辭歸

夏四月庚辰蔡公孫姓生公帥師滅沈以沈子嘉歸殺

之

沈楚屬也。晉以沈子不會召陵使蔡人伐而滅之。虜其君歸殺之。書甚蔡也。蔡欲報楚不克故遷怒于沈。

五月公及諸侯盟于臯鼬。

公作浩油

定公立四年矣。春秋之事不同盟不成為君。故因召陵求盟。不列諸侯。曾志也。

杞伯成公作戌卒于會。○六月葬陳惠公。○許遷于容城。

○秋七月公至自會。

劉卷卒

劉卷即劉釜。周卿士。魯主之卒。赴故書。

葬杞悼公

楚人圍蔡

報滅沈也

晉士鞅衛孔圉

公作帥師伐鮮虞

往年鮮虞人敗晉師晉報之

葬劉文公

魯會也

冬十有一月庚午蔡侯以吳子及楚人戰于柏穀作舉

公作楚師敗績楚囊瓦出奔鄭

蔡昭侯困于楚又不得志于晉遂因伯嚭事吳導之

伐楚敗楚師于柏舉。子常以貪賈禍，又不用司馬戍，謀敗故書奔。禍始圍蔡，故主蔡侯。詩曰：莫予弄蜂，自求辛螫。囊瓦之謂也。

庚辰吳入郢

公穀作入楚

吳師乘勝遂入郢。楚子奔隨。楚大夫申包胥乞師于秦，以卻吳師。

五年○春王三月

公作正月

辛亥朔，日有食之。

是年春，王人殺子朝于楚。說者以納子朝罪楚，非也。子朝王猛敬王，皆非樹子也。而子朝為長，敬王在位，久不得不絀子朝，非謂子朝必可殺也。使子朝有不



赦之幸如陳佗州吁。樂盈其見殺無不書者。不書春秋之義可知。

夏歸粟于蔡。

蔡饑魯餽之。

於越入吳。

吳師入郢。越人乘虛亦入吳。莊生所謂雕陵之鳥。見利而忘身。吳人之謂也。故書入同。

六月丙申。季孫意如卒。

子斯嗣。是爲桓子。君子曰。果哉。春秋未嘗褒貶人也。仲尼而有筆削之斧。鉞意如死。何惜一字之誅而亦

書卒。書氏。書日。春秋是非在人心耳。人臣若季氏。貌以榮名。被以華袞。猶不免于世之諱詬。而奚事屑屑者乎。

秋七月壬子。叔孫不敢卒。

不敢。叔孫。姑之子。不敢。卒。子州仇嗣。是爲武叔。

冬。晉士鞅帥師圍鮮虞。

前未得志也。

六年。○春。王正月癸亥。鄭游速公作遊帥師滅許。以許男

斯歸。

許畏鄭。委其社稷。亡命四徙。五十餘年。而鄭猶未厭。

春秋正義 卷十二  
乘楚亂滅其國虜其君何怨毒之深也楚昭王反國  
乃復其後

二月公侵鄭

王人殺子朝于楚餘黨儋翩以鄭伐周晉使魯侵鄭  
公至自侵鄭○夏季孫斯仲孫何忌如晉

季孫獻鄭俘也仲孫陽虎所使報夫人幣也報夫人  
而以卿往家臣而使執政魯事之失經也

秋晉人執宋行人樂祁犁

晉趙范交惡宋樂祁犁使于晉主于趙鞅獻楊盾六  
十趙飲之酒范執譖于晉侯曰未致使而私飲酒不

敬遂執之三年而後遣死于途

冬城中城

三家張陽虎亂公室懼而城中城詩曰宗子維城強宗內叛雖有高墉百雉難乎免矣

季孫斯仲孫忌帥師圍鄆

初齊取鄆居昭公鄆遂貳于齊魯人圍之嗟夫一鄆也季孟臨以兵而不服仲尼一言而齊歸之禮之服人遠矣哉

七年○春王正月○夏四月

是時周僭翮作亂天王處于姑猶經年不書諱也

春秋齊侯鄭伯盟于鹹齊人執衛行人北宮結以侵衛齊

侯衛侯盟于沙

公作沙澤

是時晉微而齊稍振矣鄭人從齊會于衛衛侯亦欲從齊諸大夫不可衛侯私使齊執其行人乃盟君子曰齊晉一轍也齊衰則晉興晉衰則齊興其興也以詐力先諸侯其亡也亦先諸侯齊晉亡春秋畢故孟子曰其事則齊桓晉文仲尼之徒無道桓文之事此知春秋之備者也諸傳獎齊晉大旨已悖餘不足觀矣

大雩○齊國夏帥師伐我西鄙

魯不附也

九月大雩○冬十月

八年○春王正月公侵齊

報西鄙之役也

公至自侵齊○二月公侵齊

前未得志也

三月公至自侵齊○曹伯露卒

夏齊國夏帥師伐我西鄙

報再侵也

公會晉師于瓦

衛地

晉救至也

公至自瓦○秋七月戊辰陳侯柳卒

晉士趙公作鞅帥師侵鄭遂侵衛

討卽齊也

葬曹靖公○九月葬陳懷公

季孫斯仲孫何忌帥師侵衛

助晉也

冬衛侯鄭伯盟于曲濮衛地

拒晉也

從知祀先公

先公昭公也。生不得享國，死不得終于寢，葬不得合于祖，祭不得耐于廟，皆季氏爲之也。陽虎將討季氏，納昭公主，從祀大廟，家臣叛主而講于禮事，是以仁義竊國也。周禮在魯，而賊臣脩秩祀，周公之典刑，不掃地乎，直其事，微其人，諱之也。

盜竊寶玉大弓

陽虎謀殺季桓子，詐享于蒲圃，桓子逃之孟氏。虎劫公伐之，孟氏宰公斂處父，禦而敗之。虎入公宮，取夏后氏之璜，封氏之繁弱，以行。二物先王之分器也。故書。



九年○春王正月○夏四月戊申鄭伯薨叙去聲公作薨卒

得寶王大弓

陽虎入謹陽關叛魯人伐之歸寶王大弓奔齊齊人執而囚之逃奔晉夫一寶王大弓也失則書得則書雖先王之命器乎未重于土地人民與周公之詒穀也寶王大弓之不能守而況其重焉者乎書誌慨也六月葬鄭獻公

秋齊侯衛侯次于五氏晉地

齊景公伐晉夷儀衛靈公助之同次于五氏

秦伯卒○冬葬秦哀公

十年○春王三月及齊平○夏公會齊侯于夾公穀作夾谷  
公至自夾谷

齊魯之不相能久矣遠附晉而近讐齊非魯之利也  
齊駸魯使歸晉亦非齊之利也二國親睦則晉不得  
間而東方以寧故夾谷之會仲尼為輔行其非失計  
可知說者必欲以諸侯奉晉則仲尼不當與于斯行  
矣

晉趙鞅帥師圍衛

報五氏之役也

齊人來歸鄆穀田上龜陰田有之字

齊人歸三邑。以夾谷之會也。仲尼相禮于會。而齊人  
悅服。及侵地。此豈口舌之力。與諸傳競爲譽。而說愈  
卑。非聖人所以感人動物之本。善乎子貢有言。夫子  
得邦家。綏之斯來。動之斯和。又曰。夫子溫良恭儉讓  
以得。夫子之求。異乎人之求。諸傳所言。皆人之求也。  
叔孫州仇。仲孫何忌。帥師圍郕。后○秋。叔孫州仇。仲孫  
何忌。帥師圍郕。費公作

郕。叔孫氏私邑。家臣侯犯。以郕叛。州仇與何忌圍之。  
不克。秋再圍之。侯犯奔齊。君子曰。陽虎。侯犯。叔季氏  
之叔季也。未能事君。焉能使臣。再書。歎也。

宋樂大心出奔曹

宋行人樂祁犁死于晉晉人止其尸求成宋公使樂大心往大心辭以疾祁子譖于宋公曰將為亂大心奔曹

宋公子地

公作池

出奔陳

宋公寵向魋取弟公子地之馬與之子地扶叱而奪之公閉門泣地出奔陳

冬齊侯衛侯鄭游速會于安甫

齊地公作寧

三國成而晉勢衰矣

叔孫州仇如齊

侯犯以邠叛于齊齊人以歸魯州仇往拜

宋公之弟辰暨仲佗

駘

石驅

寇平聲

出奔陳

公毅暨下有宋字

公子地之出奔也辰寔使之曰君必止子弗止辰曰

是我廷兄也以國人出君誰與處與仲佗石驅奔陳

二子皆宋卿

十有一年○春宋公之弟辰及仲佗石驅公子地自陳

入于蕭以叛

奔陳猶可返國據邑叛則惡矣

夏四月○秋宋樂大心自曹入于蕭

叛黨也

冬及鄭平叔還旋如鄭泚盟

魯自僖公以來七世事晉晉黨季孫遂昭公識者知  
晉之將失魯矣及韓范內闕同盟解體齊張于東衛  
鄭先往故魯有夾谷之會然猶未顯與晉絕也至是  
魯鄭同盟四國之好成而晉遂失諸侯不復可收矣  
十有二年○春薛伯定卒○夏葬薛襄公

叔孫州仇帥師墮仄郕

三家專魯各殖私邑孟氏有成叔氏有郕季氏有費  
皆高城深池大都耦國三桓以此拒公室家臣亦以  
此拒三桓南蒯陽虎侯犯公山弗狃接踵叛而三桓

亦自病矣。時仲尼為司寇，子路仕季氏，教之毀三都。叔孫乃墮郕。季氏墮費，未幾公伯寮愬子路于季孫。三桓疑竟不墮成，子路遂去仕衛。而郕與費亦終不復歸公矣。夫子歎道之將行有命，將廢有命，以此。

衛公孟彊帥師伐曹

季孫斯、仲孫何忌帥師墮費 私

陽虎既去，公山不狃、叔孫輒相繼以費叛。季孫仲孫帥師毀其城，從子路之請也。二子遂奔齊。

秋大雩。冬十月癸亥，公會齊、晉、侯盟于黃。

魯始背晉

十有一月丙寅朔日有食之○公至自黃

十有二月公圍成○公至自圍成

三桓不信子路用公斂處父計不肯墮成定公遂圍成圍成則公之失計也夫以季路忠諒不能勝讒間之口定公綿弱而欲鋤強梗之臣乎克則可不克則重自辱書公至自圍成悲國事弗濟而憂公室之愈卑矣夫三家專魯非徒以三都也魯公室弱亦非盡由三都也三子悔禍墮之可若其不墮存此無傷上下有禮君臣輯睦其孰非國之險與不然雖在同室無城府乎子路爲魯計必有正本清源施爲次第而



紛紛毀境內城郭何為諸傳好諛寡識如此

十有三年○春齊侯衛侯次于垂葭衛地公作瑕殺無衛侯

齊衛同伐晉河內

夏築蛇淵圃

作無益且不時也

大蒐于比皮蒲

衛公孟彊帥師伐曹

前師未得志也

秋晉趙鞅入于晉陽以叛○冬晉荀寅士吉射入于朝

昭歌以叛荀寅下公及字

趙鞅殺邯鄲大夫午而圍邯鄲荀寅范吉射善午爲  
伐鞅鞅奔晉陽圍之荀躒魏曼多韓不信范夷臯梁  
嬰五人以晉侯伐寅吉射寅吉射亦伐公不勝奔朝  
歌晉陽圍解趙鞅入于絳春秋無所是非同書叛何  
也蓋晉之強食諸侯數世矣昭頃以降政出多門而  
諸侯遂去平丘耀武而齊去召陵辭請而蔡去沙轍  
之盟鄭去五氏之役衛去夾谷之會魯去而其執政  
大臣益招權市利宋樂祁以楊楯六十被執而死蔡  
侯以荀寅責貨不堪而從吳魯昭公以范鞅受季孫  
之賂死于乾侯邯鄲午以衛貢五百家不入囚而殺

之遂啓門庭之禍。故凡晉之叛人與人之叛晉。其孽  
久罅多。不待三子交攻。而三子發難者耳。勢同行同  
叛。同禍。晉同。故經皆書叛。君子曰。晉之先諸侯亡也。  
宜哉。重耳狙詐立國。仲尼以一字按之曰。譎。天道易  
簡。人道中庸。鬼神正直。譎非所託基也。其子孫襲之。  
貪淫奢侈。無復恭儉履謙之度。受降納款。朝聘貢贄。  
儼然王者。而身假仁義之名。盜竊威命。百有餘年。籠  
罩百世學士大夫。謂晉尊中國。攘夷狄。聲施到今。未  
有知其譎者。植本若彼。取盈若此。若何不重受傷也。  
據春秋所書。晉事什九。當入情者無一。故五霸罪之。

魁而晉玉霸之魁也春秋畢晉祚終聖人知幾其神乎

晉趙鞅歸于晉

三臣同叛而趙鞅獨歸鞅黨衆而寅士吉助寡也語曰百足之蟲三斷不蹶鞅歸而晉日危矣

薛弒其君比

傳不詳其故

十有四年○春衛公叔戍來奔衛公毅趙陽出奔宋

衛公叔戍謀去夫人南子之黨夫人懇于公公遂戍

與其黨趙陽

二三公作月辛巳楚公子結陳公孫公作孫佗人帥師滅頓

以頓子牂公作歸

頓子事晉絕陳背楚楚滅之

夏衛北宮結來奔

公叔戌之黨

五月於越敗吳于檇醉公李○吳子光卒

闔閭驕于入郢之易而侮越人之蕞爾也伐越越王  
句踐迎擊之闔閭被創死斯亦可為疆梁好勝之戒  
矣卒也二國交讐夫差以父死報越而越敗句踐以  
失國報吳而吳亡為千古怨毒之表脩睚眦者喜稱

焉。經于攜李之事，書于會稽之事，不錄。聖人欲偕天下于平康，正直無怨，無惡春秋之志也。說者謂春秋大復讐，果爾，伍員夫差宜深嘉予，而何其泯泯邪。

公會齊侯、衛侯于牽

晉地，公作堅，又作擊。

○公至自會

晉人圍范，中行于朝歌。齊、魯、衛三國共救之，以狄師襲晉，不克而還。

秋，齊侯、宋公會于洮

洮，音。

謀救范氏也。君子曰：晉之助人叛多矣，人亦助其叛。宜夫。

天王使石尚來歸賑

賑，上聲。

魯不脩貢而王使歸賑仲尼所為賜蹟也

衛世子蒯快賸外出奔宋衛公孟驅出奔鄭

衛夫人南子會宋朝于洮靈公弗禁也世子適齊過

宋聞野人謠惡之謀弑南子不克而逃孟驅其黨也

公逐之

宋公之弟辰自蕭來奔○大蒐于比蒲

邾子來會公

求好也

城莒父及霄

魯助范中行而懼晉故設備是年不書久闕也

十有五年○春王正月邾子來朝

鼯鼠食郊牛牛死改卜牛

鼠食牛死小滅大異也

二月辛丑楚子滅胡以胡子豹歸

初楚有吳難胡子盡俘楚邑之近胡者至是楚子滅胡執其君以歸

夏五月辛亥郊

郊魯常祭也牲牢具而無菑卜從舉以時則不書今年正月鼠食郊牛死五月郊未幾公薨詩曰是享是宜降福既多君子謂是享也不宜



壬申公薨于高寢

非正寢也

鄭罕

公作軒

達帥師伐宋

鄭宋間有隙地六邑相與盟棄之宋子地奔鄭鄭伐

取三邑居焉

齊侯衛侯次于渠

公作陳

謀救宋不果故書次

邾子來奔喪

邾之事魯過于恭矣去年冬月會今年正月朝公喪

邾子來奔惟君喪奔君子恥于是恭也是年冬魯城

漆明年取郭東沂西田。又五年入邾。詩云：有鳥高飛，亦傳于天。彼人之心，于何其繁。俾予靖之，居以凶矜。其邾事魯之謂與。

秋七月壬申，嬖殺作弒氏卒。

嬖氏定公之妻。哀公母不書，夫人不薨，哀公未成君也。

八月庚申朔，日有食之。○九月，滕子來會葬。○丁巳，葬我君定公。雨，不克葬。戊午，日下昃。殺作殽乃克葬。

哀公幼，諸大夫不敏于事也。

辛巳，葬定嬖。

冬城漆

漆邾庶其之叛土魯受而城之誌貪也左傳謂不時  
告雖時告其可乎

春秋直解卷十二終